



OPĆINSKO VIJEĆE

INFORMACIJA SA 3. REDOVNE SJEDNICE OPĆINSKOG VIJEĆA OPĆINE FOČA

U četvrtak, 18.03.2021. godine održana je 3. redovna sjednica Općinskog vijeća općine Foča

Na sjednici je nakon usvajanja zapisnika sa druge redovne i treće vanredne sjednice Općinskog vijeća i tačke vijećničkih pitanja, razmatran i usvojen prijedlog Budžeta za 2021. godinu te Odluka o izvršavanju budžeta općine Foča za 2021. godinu. Budžet je usvojen u iznosu od 1.546.300 KM.

Pored Budžeta, na dnevnom redu našli su se Prijedlog Odluke o utvrđivanju prosječne cijene 1m² izgrađenog stambenog prostora u 2020. godini na području Općine Foča, Prijedlog Odluke o utvrđivanju naknade za neizgrađeno gradsko građevinsko zemljište državne svojine na području Općine Foča za 2021. godinu koji su jednoglasno usvojeni dok Prijedlog Odluke o utvrđivanju koeficijenta zakupnine za stanove na području Općine Foča nije dobio potrebnu većinu.

U nastavku sjednice, Općinsko vijeće je razmatralo Izvještaj komisije za dodjelu javnih priznanja za 2021. godinu kao i prijedlog ove komisije da se u ovoj godini ne dodijele javna priznanja iz razloga što po javnom pozivu nije dostavljen ni jedan prijedlog, a što je Općinsko vijeće jednoglasno usvojilo kao i Prijedlog Odluke o usvajanju Platforme za mir 2021. – 2024. i Plana aktivnosti za implementaciju Platforme za mir 2021. – 2024.

Značajno je naglasiti da se na dnevnom redu ove sjednice Općinskog vijeća našao i Prijedlog Odluke o stavljanju van snage odluke o davanju odobrenja za izvođenje istražnih radova za izgradnju hidroelektrane Ustikolina, koji je nakon kraće rasprave dobio potrebnu većinu.

Na kraju sjednice Vijeće je informisano o o higijenskoj ispravnosti vode za piće na području Općine Foča i stanju u vezi pandemije COVID 19 na području općine Foča.